



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Benedictus Redivivus Hoc est: Benedictinij Ordinis  
Vetustißimi Amplißimique, Nostra, ac supera ætate  
Jmmarcescibilis Vigor, ac Viror**

**Bucelin, Gabriel**

**[Veldkirch], Anno Christi. M.DC.LXXIX.**

lesu Christi Annus. M.D.LXXXI. Sancti Patris Benedicti. M.C.I.

**urn:nbn:de:hbz:466:1-38498**

tis laboribus, in morbum denique incidit, vitæque suæ terminum adesse sentiens SS. Ecclesiæ Sacramentis muniri expetiit, iisque incredibili devotione perceptis, in lectulo prostratus in genua, psalmum *In Te Domine speravi &c.* exorsus, & ad verba illa *In manus tuas Domine commendo spiritum meum* prosequutus, cum dicto felicissimi in manus Creatoris sui expiravit, cœlesti quamprimum lumine cellam mirè illustrante, & stella lucidissima supra domum in qua sic obdormierat, Patribus Augustinianis qui in Vicino habitaverant, apparente. Ejus à morte facies serena admodum & rubicunda ac verè Angelica apparuit, magno quamprimum concursu populi factò, ut sacrum viri corpus contuerentur super premium & venerarentur, omnibus ex vultu ejusdem, de gloria in cœlis facile ominantibus. *Ex Vita ejusdem Msta.*

*Moritur sub hoc idem tempus Lambertus Abbas Blandiniensis.* Moritur sub hoc idem tempus Lambertus illustrissimi prope Gandam in monte Blandinio Cœnobij Abbas, vir præstantissimus, & eximijs magni animi dotibus præditus, in fornace tribulationis excoctissimus, ab Hæreticis miserè exagitatus, qui & pulcherrimum ejusdem Monasterium in cineres rede gere, quod tamen deinceps ille, postquam diu profugus & exul, ad sacrum Casini montem se contulisset, inde reversus præclare restituit, reductisque exulibus filijs, insigni inducta reformatione, immortaliter meritis felicissimè in Domino requievit. *Ex monimentis Blandiniensibus.*

*Marcus del Varrio.* Decedit hoc ipso etiam anno Beatæ memoriæ Marcus del Varrio Abbas Palaciolensis, & ipse Ordinis in Hispanijs aliquamdiu meritisissimus Reformerator, varijs & in vita & à morte signis à Numine illustratus & commendatus; cujus celebrantis ad aram capiti cœlestis aliquando flamma infidere visa est. *Ex Msto. Hispanico.*

Claret Pius Casinas ex Illustri Lotheriorum familia Juris Civilis & sacri gnarus creatus à Greg. XIII. Fundanus Episcopus.

IESUCHRISTIANNUS. M.D.LXXXI.  
Sancti Patris Benedicti. M.C.I.

*Moritur Pen. Ludovicus à Estrada.* Ingens atque illustrissimum terris sydus hoc anno terris eripitur, cœlis inseritur Sanctæ memoriæ Ludovicus d' Estrada, verum sæculi hujus miraculum, de quo jam sæpius supra, etsi nunquam satis, si libri hujus permitteret intentio. Et verò etiam si conaremur: *Quis enim, inquit, Henriquezjus, admirabilem concertum virtutum ejus, pro dignitate commemoret? Quis ineffabiles, ut ita loquar, doctrina & sapientia opes; quibus eum DEUS locupletavit; cœlestia dona quibus eum ornavit explicet? Quis eximiam animi demissionem, provictam patientiam, amabilem mansuetudinem, prudentiam singularem? Quis mentis robur in his quæ difficilia sunt pro DEI amore suscipiendis? Quis præter DEUM enumerare posset, quot ille animas, ex vitiorum ceno & ex ipsis portis inferis revocavit? Quæ vitia ex tot civitatibus & provincijs, re & nomine Apostolicus Prædicator eradicavit? Quot perditorum hominum animas sacris suis concionibus, ac sanctissima Vita exemplis, ad aeternam salutem iter reduxerit? Quæ quidem tanta virtutum fragrantia, ac rerum Divinarum luce, undique resurgente, quid mirum, si invictissimi Regis Philippi, ac tot virorum Principum animos, voluntatesque adeo sibi devinctas haberet, ut quidquam majoris momenti, eo non annuente peragere, irreligiosum esse putarent, &c.* Hucusque citatus, fuit orationis studio deditissimus, in quam dum ferventius incumberet, Divinis sæpius splendoribus circumfusus, & Angelicis spiritibus cingi visus est. Vita excessit 2. Die Junij, magno honorum omnium, & Regio luctu, sed & communi omnium Societatis Jesu Patrum, quorum Auctori S. Ignatio erat charissimus & singularis Societatis præfata assertor inconsolabiliter deploratus. *Ex Petro Calzolario, Auberto Miræo, Nicolao Orlandino, Henriquezio &c.*

Supremus hic etiam annus est Venerandæ & immortalis memoriæ Viro Jacobo Billio Abbati S. Michaelis in Eremo Diocœseos Lucionensis Monasterij, de re litteraria meritisissimo. Hic ex Nobilitate Carnutensi trahens originem, Guisariæ natus est, proximo Atrebatum & Hannonum finibus oppido, quod Ludovicus pater ejus homo strenuus & spectatè in Bello solertia & felicitatis tunc temporis nomine Francisci I. Galliarum Regis gubernabat, A puero litterarum studijs deditus, in omnibus egregiè se exercuit,

*Ejusdem  
singulare  
encomium.*

*Divini  
splendori-  
bus cir-  
cumfusus.*

*Jacobus  
Billio Abb.  
S. Michaelis.*

cuit, ita ut inexplebili cupiditate, ad altiora semper anhelaret atque exardesceret; eò denique progressus, ut & Republicam Christianam, universam, insignis ingenij foetu demeretur, & gloriam sibi compararet sempiternam. Plurima enim ex Damasceno, Chrysostomo, Basilio ceterisque sanctissimis Divinae Legis interpretibus, ac potissimum ex illo singulari Scriptore Gregorio Nazianzeno, qui Theologi nomen est meritus, doctissimè fidelissimèque transtulit, sed & plurima sui ipsius ingenij monumenta reliquit. Eo autem in omnibus vigore tanquam ad scopum sua omnia direxit, ut DEI gloriam Catholicæque rei gloriam & firmamentum quaereret, cætera omnia tamquam fluxa & caduca generoso animo despiciens, talentis sibi à Domino creditis, usus est ad Domini intentionem. Familiarissimum habuit miraculum sæculi hujus Illustrissimum Gilbertum Genebrardum nostrum, Archiepiscopum & Patriarcham Aquensem, apud quem Lutetia, dum parùm firma valetudine hospitatur & Gregoriana versionis nuper à se recognita editionem meditatur novam, sub exitum anni 1581. phusis extinguitur anno ætatis 48. sepultus ad fanum S. Severini. *Ex Mssio. R. P. Antonij de Secla &c.*

*Dei gloria  
promoven-  
da ædificus.*

*Joannes  
Abbas S.  
Salvatoris.*

Antverpiensis Urbis gloria singularis, cætera splendidissima, nitidissima è gemmis Vivis gemma, Joannes de Mechlinia Sancti Salvatoris ibidem Abbas ad supera accersitum. Præsul vitæ integerrimæ, Immaculatæ Virginis DEI Matris MARIÆ cultui longè addictissimus, hospitalitate & benignitate Benedictina longè celebratus, virtutis pietatisque odore omnibus amabilis, cum triennium solummodo præfuisset, laboribus eximitur & ad requiem æternam evocatur. *Ex monim. ejusd. Cenobij.*

Ad gaudia Angelorum sempiterna pro vitæ meritis evocatur, Sanctæ memoriæ P. D. Apollinaris à Bauuco Asceta sacri Montis Casini, qui ab adolescentia sua sub Lauro sive Laurentio Abbate Monasticen professus & sanctè institutus, exin vitam potius Angelicam quam humanam duxit, per triginta annos & Decanum & Magistrum Novitiorum agens, eruditione

non minùs fulgens quam sancto vitæ exemplo. Obijt denique hoc anno quam felicissimè in Vigilia S. Joannis Baptistæ dum in Missa hymnus Angelicus gloria in excelsis DEO cantaretur. *Ex monim. Casin. per Placidum Rom.*

Nec minor fama & re ipsa Joannes alter, inferioris item Germaniæ gemma S. Martini Tornacensis Abbas, familiae Illustri de Quesne, ipse longe illustrior omni Virtute cultissimus exstitit, ab insigni animi integritate, frugalitate sive sobrietate, & prudentia commendatus. Fuit admirabili erga pauperes misericordia & munificentia, imò in omnis generis homines adeo erat beneficus, ut neminem tota Urbe Tornacensi reperires, qui ejus beneficentiam non expertus, solemni deprecaretur. Multa à Geusijs expertus & perpressus, patientiæ meritis, & constantiæ Trophæis illustrissimus, felicissima morte carne solutus est, post Majoris Missæ Officium in Choro, & inter Divina officia, à quibus nulla negotiorum mole, abstrahi se patiebatur. *Ex Monumentis ejusdem Cenobij.*

IESU CHRISTI ANNUS. M. D. LXXXII.

Sancti Patris Benedicti. M. C. II.

RES admiranda! quanto deterior in mala omnia præcipitio probabitur hoc sæculo solutus in omnem licentiam, exemplo & prædicatione invalescentium Hæresum & Hæreticorum infelix mundus, tanto valentius invalescit apud nostros mundi detestatio & contemptus viris non solum generis nobilitate præstantibus, sed & juvenibus delicatissimis, Barrerij nostri rigorem, ambientibus & amplectentibus; tanto quidem ad ipsum ejusmodi candidatorum confluxu, ut paulo post ducentos in suo Fulienfi Cenobio Religiosos numeraret; omnes unanimitè, absque ulla contradictione, ejdem arctissima disciplinae ultro neè deditos, omnes revera non tam Confessores, quam Martyres, & quidem gravi & diuturno Martyrio sese Numini immolantes & quotidie consecrantes. In quibus manifestè DEUS, suæ potentiam dextræ mundo exhibuit, dum, quod alias carni intolerabile videbatur, adeo suis servis, tanta alacritate sibi servientibus dulcoravit,

ut

*Joannes  
Abbas S.  
Martini  
Tornacensis.*

*r. Joan.  
Barrerius  
& numerus  
suorum &  
meritis &  
getur.*